

SAOPŠTENJE ZA FAKULTETE
Banja Luka, 17.09.2015.

Doživite svoje trenutke promjene na CEO konferenciji 2015

Ako želite čuti uspješne preduzetničke i životne priče ispunjene snažnim emocijama, doživjeti svoje trenutke promjene, a pritom biti dio najpozitivnije regionalne priče za mlađe, svoje mjesto potražite na jednoj od ovogodišnjih CEO konferenciјa.

CEO konferencija mijenja viziju i pogled na budućnost, usmjerena je na vrh samopouzdanja i gotovo u cjelosti mijenja stavove svojih učesnika po pitanju dostizanja vlastitog uspjeha.

Prva konferencija u organizaciji Ekonomskog fakulteta Univerziteta u Sarajevu, održana je u maju 2013. godine i već sada postaje regionalno mjesto susreta mladih iz Bosne i Hercegovine, Srbije, Hrvatske i Crne Gore. Kroz ovaj period, uspostavljena je komunikacija učesnika sa uspješnim, mladim ljudima, koji su kroz svoj životni put pomjerali granice i postajali uzori mladima.

Ove godine, Ekonomski fakultet Univerziteta u Banjoj Luci po drugi put organizuje CEO konferenciju 31. oktobra, u saradnji sa Ekonomskim fakultetom u Sarajevu. Konferencija će se održati u prostorijama banjalučkog Ekonomskog fakulteta, gdje će mlađi ljudi imati priliku da se upoznaju sa životnim i karijernim pričama sa ovih prostora.

Šejla Vatreš, projekt menadžerica CEO konferencije naglašava zbog čega je važan ovaj i slični projekti. „Želimo dati priliku i promovisati uspješne i odvažne ljudi zbog čega pozivamo govornike koji prave iskorake, pomjeraju granice i time pokazuju učesnicima da je zaista moguće uspjeti. U tome je prava vrijednost CEO konferencije.“

Ovakav vid konferencije jeste događaj koji ima za cilj povezivanje mladih sa uspješnim ljudima koji ih pozitivnim primjerima motivišu na proaktivni pristup preduzetništvu i razvoju karijere razbijanjem mitova o uspjehu i usvajanjem novih znanja i vještina.

Svi koji odluče biti učesnici neke od ovogodišnjih CEO konferenciјa, koje će biti održane u periodu od oktobra do decembra 2015. godine, imaće priliku osjetiti energiju motivacionih govora nekih od 80 govornika koji će sa njima podijeliti svoje životne i karijerne priče.

Prijave za sve CEO konferenciju u Banjoj Luci i regiji su otvorene, te više informacija o samim konferencijama kao i suorganizatorima možete pronaći na www.ceokonferencija.com.

